
ЎЗЎВОН - МАРКАЗИЙ ФАРҒОНА ЖАВОҲИРИ: ТУМАН МАРКАЗИГА 15 МЕТРЛИ КУРАНТ ЎРНАТИЛДИ

Буюк ипак йўли чорраҳасида жойлашган Ўзёвон тумани марказига вақт шиддати аниқлаштириб турилиши, ислохотлар самарасини кўрсатувчи 15 метр баландликка эга курант ўрнатилиб, мўъжазгина хиёбонда аниқ йўл гулзор барпо этилди.

Фарғонани қўшни Андижон ва Наманган вилоятлари билан боғловчи мазкур туманда сўнгги йилларда кенг кўламли қурилиш-бунёдкорлик ишлари амалга оширилиши натижасида ҳудуд чин маънода Марказий Фарғонанинг жавоҳирига айланмоқда.

Ўтган қисқа даврда туман марказида “Обод маҳалла” дастури доирасида ахборот-кутубхона маркази, стадион, мева ва манзарали боғ, хизмат кўрсатиш ва сервис шохобчалари, маданият муассасалари қад ростлади. Кенг ва равио йўллар бўйлаб ям-яшил аллеялар бунёд этилди. Замонавий кўча чироқлари ўрнатилиб, ахборот-коммуникация, инфратузилма хизматлари сифати яхшиланди.

Ҳозирги кунда эзгу ташаббуслар доирасида туманда “Янги Ўзбекистон” массиви қурилиши жадаллик билан олиб борилмоқда.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-06-24 15:02:35